



Universitätsbibliothek Paderborn

**Disputationes|| ROBERTI BELLAR-||MINI E SOCIATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CONCILIIS, ET|| ECCLESIA MILITANTE,|| QVATVOR LIRBRIS||
COMPREHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XVI. Non esse in Concilio summam potestatem.

[urn:nbn:de:hbz:466:1-53873](https://nbn-resolving.de/urn:nbn:de:hbz:466:1-53873)

I.
ex est pa-
a est, sed
betur a
tsarij di-
cclesian
explicat
um tuus
esia con-
Christi
ciliij ge-
christian
dest ab
nciliis
s verbu
ij, quol
ngreg
put pri
capit
cem no
rticul
o Fu
Ecclia
em vi
TIE
nō eft
st vnum
iculare
st capu
is est v
visibile
n quām
RTIO
Conci
oncilio
dicen
equeid
Christi
qui

Cap. XVI. De Conciliorum auct. Lib. II. 169

quibus Christus ipse inuisibiliter præest, & quibus etiam præcesset visibiliter, si visibiliter adesset: Christus autem præest, & præcesset visibiliter, si adesset visibiliter, non solùm Ecclesiis particularibus, sed etiam toti Ecclesiæ vniuersali, & generalibus Conciliis; igitur etiam Papa præest Ecclesiæ vniuersali.

C A P V T XVI.

Non esse in Concilio summam potestatem.

Si iam altera propositio. *Summa potestas Ecclesiastica non est in Ecclesia, vel Concilio, remoto Papa, aut formaliter, aut suppletive.* Hæc est contra alterum fundamentum aduersariorum, & quidem non esse formaliter in Ecclesia, vel in Concilio summa potestatē, qualis est in Papa, ex Scripturis aperte colligitur. Nam secundum Scripturas Ecclesia nō est Democratio, vel Aristocracia, sed Monarchia, siue regnū Christi, iuxta illud Psal. 2. *Ego autem constitutus sum Rex ab eo super Syon montem sanctum eius.* Et Luc. 1. *Regni eius non erit finis.* Et Ioan. 18. non dixit Christus cùm interrogaretur: *Ergo Rex es tu?* non sum Rex, aut regnum meum non est in hoc mundo, sed ait: *Regnum meum non est ex hoc mundo,* id est, est quidem in hoc mundo, sed non est tale regnum, quale tu putas, quale est Herodis, & similium Regum. Denique, Scriptura passim vocat Christum Regem, & Ecclesiā regnum eius, ex quo sequitur, ut ab uno regi debeat, non à multis ipsa Ecclesia, quemadmodum gubernantur omnia regna.

Quod autem non sit suppletivè hæc auctoritas in Ecclesia, ostenditur hac ratione. Non habet Ecclesia hanc auctoritatem à seipsa, nec ab alio; igitur nullo modo habet. Quod à seipsa non habeat, manifestè probat discrimin, quod est inter regnum Christi, & regna cetera; non enim est Ecclesia tale regnum, qualia sunt regna huius mundi, in quibus summa potestas est in Rege, sed à populo profecta, & deriuata, & proinde radicaliter, & suppletivè eadem potestas est in regno. Nam in regno Christi summa potestas est in Christo, & non deriuata ullo modo à populo; in regnis enim hominū, pot-

potestas Regis est à populo, quia populus facit Regem, q; alioqui esset homo priuatus, sicut ceteri; omnes enim homines naturaliter sunt liberi, & æquales, nec posset unus ceteris imperare, nisi illi se ei subiicerent, & super se potestates ei concederent.

At Christus est Deus & homo, & quatenus Deus, est naturaliter Dominus, & Rex omnium creaturarum, quatenus homo, habet a Deo omnem potestatem, nec ipse ab Ecclesiæ factus est Rex, sed ipse potius fecit Ecclesiæ esse summum. Apocalyp. 5. *Fecisti nos Deo nostro regnum.* hinc et quod in Scriptura, regnum Christi, quod est Ecclesia, neptatur tale, qualia sunt cetera, comparatur etiam familiæ Matth. 24. *Quis est fidelis seruus, & prudens, quem constitutus Dominus superfamiliam suam.* Et Hebr. 3. Moses erat filius in tota domo Dei tanquam seruus, Christus autem est fidelis in tota domo sua tanquam Dominus. Constat enim patrem familias non habere à familia ullam auctoritatem sed ex se; quia non ipse à familia constituitur pater, sed ipse facit sibi familiam gignendo filios, emendo seruos. Unde pater familias, etiam si pessimus sit, nunquam potest à familia iudicari, vel expelli, sicut potest Rex, quando degenerat tyrannum. Comparatur etiam ouili, Ioann. 10. item corri, & sponsæ, Ephes. 4. & 5. vt intelligamus, quod sicut nō capicit auctoritatem pastor ab ouibus, nec caput à corpore, nec vir ab uxore, ita neque Christus ab Ecclesia.

Ex his habemus Ecclesiæ ex se nullam habere auctoritatem, sed omnē esse in Christo, & iis, quibus Christus eam communicauit. Quod autem non habeat ab alio, nimis à Christo probatur, nam Christus legitur quidem dedit Petro claves regni cœlorum Matth. 16. & eundem praecesse ouili suo Ioannis ultimo, dedit etiam Apostolis ceteris potestatem prædicandi, baptizandi, peccata dimittiendi, alia quædam faciendi, quæ ad munus Episcopale spectant, sed hanc potestatem Christus singulis dedit, ita vt potuerit quisque eorum illa omnia exercere sine congregacione liorum, vt notum est: at quod ipsi Ecclesiæ, id est, fidelium universitatib; in se, id est, ratione suæ totalitatis aliquid potestatis tribuerit, nusquam legitur: immò è contrario legimus, præcipi populis, vt obedient, & subiaceant pastoribus suis.

suis, Hebr. 13. & alibi. Quod si Ecclesiæ vniuersitati non est data villa auctoritas, ergo neque Concilio generali, quatenus Ecclesiam vniuersalem repreſentat. ergo in Concilio non est auctoritas summa, sive Papalis, sed tantum Episcopalis, seu Archiepiscopalis, prout sunt personæ, quæ ibi conueniunt. siquidem summa seu Papalis auctoritas non ponitur in Concilio ab aduersariis, niſi quatenus Concilium gerit vicem Ecclesiæ vniuersæ. Si ergo Ecclesia vniuersa, secluso Papa, non habet Papalem auctoritatem, ergo multo minus Concilium habet.

Probatur SECUNDΟ; nam si Concilium generale sine persona Papæ haberet Papalem auctoritatem formaliter, vel suppletuē, non indigeret confirmatione Papa. Id autem est falsum. Constat enim omnia generalia Concilia Catholica confirmationem petuisse.

TERTIO, Concilium sine Papa potest errare etiam in fidei decretis, ut patet in Concilio Sirmiensi, cui subscripsit Hosius, item Mediolanensi, Ariminensi, Ephesino secundo, Constantinopolitano, sub Iustiniano II. Constantinopolitano sub Leone Isauro, & alio sub Constantino Copronymo. At Concilium cum Papa non potest errare: ergo non potest sine Papa omnia illa, quæ potest cum Papa. NEQUE potest responderi, errasse illa Concilia, quod non fuerint legitima; nam plerisque nihil defuit, niſi Pontificis assensus, immo Ephesinum II. fuit omnino simile Basileensi; vtrumque enim fuit indictum à Pontifice, in utroque adfuit Legatus Pontificis circa initium, ab utroque recessit paulo post Legatus Pontificis, in utroque fuit Pontifex excommunicatus, quæ omnia de Basileensi patent ex gestis eius ab Aenea Sylvio de scriptis. De Ephesino autem patet ex epistola Leonis 12. 13. 15. 21. 22. & ex Concilio Chalcedonensi act. 3. & nihilo minus errasse Concilium Ephesinum aduersatij negare non possunt.

QVARTO, si in Ecclesia esset summa potestas principaliiter in Papa instrumentaliter, ut in ministro Ecclesiæ, vi ipsi dicunt, sequeretur Papam non esse immediatum Christi vicarium, sed mediatum; immediatè enim vicaria Christi esse Ecclesia, Papa autem esset immediatus vicarius Ecclesiæ,
quod

quod est expressè contra Concilium Constantiense sed
vbi damnatur hæresis VViclefi dicentis, non esse Ponti-
cem immediatum Christi vicarium.

CAPVT XVII.

*Summum Pontificem absolute esse supra
Concilium.*

TERTIA proposicio. *Summus Pontifex sim-
pliciter & absolute est supra Ecclesiam vnu-
sam, & supra Concilium generale, ita ut nul-
in terris supr. se iudicium agnoscat.* Hæc etiam est fidei
fide. & probatur PRIMO ex duabus præcedentibus; nam
Papa est caput Ecclesiæ vniuersæ etiam simul congregata;
Ecclesia vniuersa, etiam simul congregata non habet illa
potestatem ratione suæ totalitatis; sequitur Papam super
Cencilium esse, & supra Ecclesiam; non contrà.

SECUNDO probatur ratione, in Scripturis fundata, no-
omnia nomina, quæ in Scripturis tribuuntur Christo, non
constat eum esse supra Ecclesiam, eadem omnia tribuuntur
Pontifici; ac primum, Christus est pater familias in deo
sua, quæ est Ecclesia, Pontifex in eadem est summus econ-
tramus, id est, pater familias loco Christi, *Luc. 12. Quis est filius
dispensator, & prudens, quem constituit Dominus super familiam suam, &c.* Hic enim per dispensatorem siue econ-
tramus, ut Græcè habetur, intelligunt Episcopum Ambrosium
in hunc locum, & Hilarius, & Hieronymus in cap. 24 *Mat.*
vbi similis habetur sententia. Et quamvis Patres non lo-
quantur expressè de Episcopo Romano, tamen sine dubio
sententia Scripturæ illa est; vt Episcopi particulares summi economi in suis Ecclesiis, ita esse Episcopum Ro-
manum in Ecclesiæ vniuersa. Vnde AMBROSIUS in illud
Timoth. 3. Ut scias quomodo te oporteat conuersari in do-
mo Dei, &c. *Domus Dei,* inquit, *Ecclesia dicitur, cuius he-
reductor est Damasus.* Et Chrysostomus lib. 2. de sacerdoti-
circa initium, hunc ipsum locum: *Quis est fidelis seruum, et
de Petro exponit.*

Quo